



# Kinadaa Biish Genwendgig Waasa Naawkinigewin Da'zhich'gewin Mazin'igan

Nimebine Giizis 2024

<b>De'baa'teg Wiind'maa'ge'win.....</b>	<b>3</b>
<b>Nakii'chi'gaadeg Naa'niib'wich'igan-Aaniish ezhi nakii twaang Kinadaa.....</b>	<b>4</b>
<b>Be'maad'zidji Naa'niib'wich'gan – Wenesh Maag'wet.....</b>	<b>10</b>
<b>Ezhi Miin'go'wewzing Naaniibwichigan- Wenesh menez'ying waa miig'we'ying.....</b>	<b>14</b>
<b>Gimaa'kaan Naaniibwich'gan-Ezhi Aab'ji'taa'aang wii Maa'mii'gwe'aang.....</b>	<b>18</b>
<b>Aan'ke Ga Gwed'wew'inan .....</b>	<b>20</b>

Canadian Coast Guard Long-Term Strategy Discussion Paper

Aussi disponible en français :

Document de discussion sur la Stratégie à long terme de la Garde côtière canadienne

**Published under the Authority of**

Planning, Engagement and Priorities

Fisheries and Oceans Canada

Canadian Coast Guard

Ottawa, ON K1A 0E6

For more information, contact [dfo.ccglongtermstrategy-strategiealongtermeGCC.mpo@dfo-mpo.gc.ca](mailto:dfo.ccglongtermstrategy-strategiealongtermeGCC.mpo@dfo-mpo.gc.ca)

Annual Edition 2024

© His Majesty the King in Right of Canada, as represented by the Minister of Fisheries, Oceans and the Canadian Coast Guard, 2024.

**Issue no.** 23-2351

**Cat. No.** Fs154-56/2024Oji-PDF (Electronic PDF, Anishinaabemowin)

**ISBN** 978-0-660-71895-8

A web version is available here:

<https://www.ccg-gcc.gc.ca/engagement/lts-slt/index-eng.html> (English)

<https://www.ccg-gcc.gc.ca/engagement/lts-slt/index-fra.html> (Français)

## De'baa'teg Wiind'maa'ge'win

Kinadaa Biish Genwendgig dish'too'naa'waa Kitchi Waasa Naawkinigewin Da'zhich'ge'win piinish Niizhing mdaaswaag shi naanmidna biboongag ooshmi gegwa. Niiwin da'zhich'gewin naanii'bwichigan'ag tenwan zhibiigaadeg waani zhich'geng kitchi gbeying miinwaa mi'yaaw go waa zhich'geng. Nindan waa zhich'geng miinwaa go mi'yaaw genwaabji'gaadeg da naad'maa'gem'gad wii mii'gaaz'waat getchi pii'ten'daag'wag Kinadaa bemaadzidjig, miinwaa go bekish nbiing waan'kii'win, aang'waam'zi'win, bezh'goo'gaab'wim'gak, kina go kojiing kendaaswin, minwaa kina go kojiing naag'den'ji'ge'win, nzaam Kinadaa nji miinwaa waa bi yaam'gag. Ninda naaniibwichiganan aaw'noon:

Ezhwebag - Wenesh waa miigweng zhiwe Kinadaa

Bemaadzidjig - Wenesh en'nakiid

Maawnji'chigewin – Wenesh menezing

Gimaa'kaan – Aaniish waa zhi aabiji nankiing

Maanda mzinigan enji teg nzaam:

- Wii wiind'maa'geng Kinadaa Biish Gen'wend'gig di'baaj'moo'win
- Wii kin'waaj'toong maa'nenj'gan'an miinwaa ge zhich'geng'ba na'kii'win'ning
- Wii maawn'ji'toong en'end'ming zhi'bii'ge'win nji kitchi waasa naawkini'ge'winan miinwaa go mi'yaaw go waa zhich'geng waa'zhi naad'maa'gem'gad gonda Biish Genwendgig kitchi gbe'ying go.

Maanda kidwin emaawn'jich'gaadeg maanpii epiichi giig'dang mnig da tkwaa'chi'gaa'de kidwin wii wiind'maa'gemgag nji Kinadaa Biish Genwendgig Kitchi Waasa Naawkinige'win Da zhich'ge'win.

## Nakii'chi'gaadeg Naa'niib'wich'igan-Aaniish ezhi nakii twaang Kinadaa

Kinadaa Biish Genwendgig nakii'taa'naa'waa niibina go getchi pii'ten'daagwag waa zhi nakii'taage'yaad gibe'biboon. Aanind go ninda nakii'taage'winan aawan'oon:

- Gina'wend'moowaad nakii'chi'gan'an dbish'koo be'mi gwiindegin kin'waach'chigan'an
- Gina'wend'moowaad zhiwe enji zhii'baa'bii'yaag
- Nakiit'moowaad zich'gewin wii naadmoowin wiya bemi niizaanzid maage bemi wnishing.
- Tkwetmo'waad giishpin wiya mi kwaa'shid maa'ge e'znagag kitchi jii'maa'nan
- Tkwetmo'waad nbiing epii'chi zhe'yaam'gag ewii'naap'teg maa'ge ezhi wii'naag'mig gegoo zhiwebag
- Mko'miin baawk'shko'aajig nbiing miinwaa aanind mko'miing ezhi na'kii'yaat
- Miig'we'win nbiing wii'giig'dang miinwaa waa zhi mibi'zang nakii'winan
- Wii miig'weng Kitchi jii'maa'nan miinwaa baas'jig'anag wii naad'ma'wind'waa aanind kitchi gimaa'nang nakii'winan

Nbiing bemi'yaadjig nda'ken'gewin – giishpin go nakiiwin nji, be'baa tkaash'jig, maa'ge ni'we jiimaan ezhi naap'kaaz'waat ooden'wising – kina go penmanj'gaa'de ewaan'kii'en'daa'gwag nbiing bemi'yaadjig ndakenj'ge'win, weweni giig'doo'win miinwaa kitchi niib'na naad'maa'gew'winan wii kin'waach'chi'geng. Naa'kam'gam'ing zhiwe nbiing miinwaa wii mina zhii'baab'zang weweni. Mko'mi biik'w'shkoowin wii'de mibdeg jii'maan'an pii ni'ksi'naag. Miinwaa giishpin gegoo zhiwebag nbiing, gonda Kinadaa Biish Genwendgig wii'de tkweshk'ma'waad ezh'we'bag. Ndoo gimaak'dah'naa gegoo kitchi zhiwebag wii nda'waab'ji'ge'yaang miinwaa wii zhaab'wi'yaang na'kiichigan'an. Ndoo gbaak'waa'naa miinwaa nbiin'chi'ge'mi wii'naag'mig miinwaa mide ziik'seg. Ndoo daap'naa'naa ge gegoo nii'zaan'ag jiimaa'ning maage gaa kwaash'noom'gag zhiwe jii'ge nbiishing.

Kinadaa Biish Genwendgig doo min'zhaan'daa'naa'waa Kinadaa civilian fleet wii tkweshkmoowaat kina ggo enaabiising wii zich'geyaat. Zhiwe Fisheries and Oceans Canada, ndoo jii'maan'naa'nin de bgid'naan scientists wii nda'kend'ma'nit miinwaa ooshmi wii nsastam'waat maanda kitchi nibi miinwaa wii minzhaandeg giigoonh'ke gtigaan'an. Aawag desgaan niwe Canadian Hydrographic Service wii kin'waaj'bi'ma'waat nibi naa'ma'ying – owe nakii'win aapiji getchi piitendaagwak wii waan'kiing mi'yaang nbiing. Na'ye gegwa da aas'gaab'wi'taa'naa'waa Conservation and Protection en'kii'taa'ge jig zhiwe enji gii'goonh'kaag wii ni aan'ke wang miinwaa giigoonhyag ezhi ginj'gaazwaat minig eyaa'at.

Nda naad'moo'waa'naa kitchi gimaa nakii'winan zich'ge'yaat ekitchi piitendaag'gwak gegwa. Miidash gonda Kinadaa Biish Genwendgig enji de bin'ma'waad miinwaa Kinadaa naawk'ni'ge'winan, min'aashk'mo'waat kina wiya wii waan'kiit, miinwaa wii tkwe'tam'waad gegoo kitchi zhi'we'bag miinwaa bemaad'zid'jig kitchi zhiwebag. Kina go goji maanpii akiing, miinwaa kitchi gaa'ming, Kinadaa Biish Gen'wend'gig wii'dook'waan di'bi'i'idig go aab'deg wii'waan'kiing miinwaa wii naag'den'mig'wang.

Kinadaa Biish Genwendgig miigwen'naa'aah owe ezhi nakii'yaad kina go goji maanpii akiing: Epgishmog nika'yaa, Na'wa'ying akiing, Kitchi Giiwe'dinong miinwaa Kina Waabanong nika'yaa. Gonda Biish Genwendgig aas'gaab'wi'taa'gaaz'wag Canadian Coast Guard Auxiliary, Niiwin mdaaswaag enaap'kaaz'jig wiz hi naad'maa'ge'waat wenpash yaa'wag kina go goji maanpii akiing, miinwaa go geshkam go niibina ani maawn'jiin'wag Anishinaabeg enaadmaagejig zhiwe gegoo kitchi zhiwebag nda'ne'geng maa'ge aab'deg wii mkwa'yin wiya. Nda nakii mi ge wii wiiiji na'kii'yaang maam'wi Anishinaabeg ge kina go goji Kinadaa miinwaa wii aas'gaab'wiw'do'waang Kinadaa ezhi tkweshkang wii naas'ko'daa'ding. Maanda naad'maa'ding da mshkoos'noon giishpin maam'wi'zing miinwaa maamwi naad'maa'ding kina gegoo wii mi nan'kiing ezhi'da'wen'daa'gog. Na'kii'toong wii maam'wi'zing kina go e'edwe'ing maanpii akiing go ga'ye da naad'maag'naa'ah Anishinaabe ooden'wi'san wii kitchi piitendaagziwaat ga'ye Kinadaa biishing waankii'win enaa'bii'sing.

## Kitchi Gbe'ying Waa ni Nankiing

Maanda maritime aki ezhnaaw'gog wek'naagod, kina go goji miinwaa go maanpii Kinadaa, nzaam shka'ye miinwaa ebi'teg bi'yaab'ko'ye, ezhwebag kojiing aand'se, bem'daa'biijig waan'kii'en'daawg'zi'siiwag, miinwaa kina go mzoo'we akiing maanpii miinwaa kitchi gaming ezhi na'wend'ing. Kinadaa Biish Gen'wend'gig aabdig wii aanj'too'waad ga'ye'nwaa niibna eno'kii'waad nzaam ninda pane aandseg. Mii'dash wiigwa wek'wen'daa'gok wii:

- Wii mibdeg aabdig en'endaag'wag nakii'winan miinwaa waa zhi wii'doo'kaa'zang
- Aasgaabwit'mang maritime waankii'win miinwaa naag'denj'ge'win, miinwaa Kinadaa nbiing ezhi miin'gwew'zing
- Naadmaadwin wii teg wii minzhaandming nibiiwan

Kinadaa Biish Genwendgig da nishi'too'naa'waa waa zhi mibde'toong na'kii'win'an bekish mshkoo'too'waad niwe ezhi naab'kaaz'waat zhiwe aanind kitchi gimaa na'kii'win'an, Anishinaabeg miinwaa mzoo'we akiing enaad'maadjig, miinwaa nbiing em'shkoo'tko'kii'jig. Nzaam maanpii wiidoo'kaazwin teg, mii ji'de tkweshk'maang enaa'biis'ji'ge'yaang miinwaa Kinadaa kitchi gimaa'naang enaawk'ni'ge'yaat. Miidash owe, Kinadaa Biish Genwendgig ooshmi ji ni michaam'gadnig ezhi wiidoo'kaaz'waat Anishinaabeg ge, miinwaa weweni wii dgwa'teg ga'ye Anishinaabe kendmaawziwin miinwaa owe waa kitchi wiik'ji'chi'gaadeg zhiwe wii giizh'aawk'ni'geng.

Wii aab'iji taang nakiit'ming ezhi aan'ke'shkaag maanda marine landscape bekish ginoo'waab'daming go shig'wek kina go ena'kiim'gag miinwaa enaawk'ni'geng, gonda Kinadaa Biish Genwendgig go yaabi noonch gegoo da ginoo'waab'daa'naa'wa:

- Naag'doo'wend'ming Kinadaa biishing gii'taa'ying megwaa ezhwebag miinwaa go waa'bi'yaa'jig
- Wii nishi'toong ezhi na'kii yang miinwaa wii maa'too'kiing kend'maaw'zi'win kina ewii'doo'kaaz'jig dash weweni wii miin'gi'dwaa enishing na'kii'win kina Kinadaa eyaad'jig
- Wiik'ji'chi'gaa'deg wii mshkoo'waag wiidoo'kaaz'ang miinwaa debwe'taad'win Anishinaabeg nji kina mzoowe Kinadaa.
- Wii ginaaj'wi'toong na'kii'win na'kaaz'ang shki bii'yaab'ko'ee miinwaa en'waad'deg wii de aabiji miigwe'aang kina goji mzoowe akiing miinwaa mina maa'jiish'kaa'win
- Wii mina maa'jiish'kaang na'kii'win'an miinwaa en'nak'iing wii de aas'gaab'wit'wind'waa gonda getchi maa'nenj'ge'jig Kinadaa aazh'gan'ing.
- Wii aa'bi'ji taang wii maajiishkaag oodi Kitchi Giiwediong, miinwaa nakii'toong na'kii'winan miinwaa en'nak'iing wii naad'mowind'waa Kitchi Giiwediong enj'baa'jig, Anishinaabeg, Aab'too'ziinh'yig miinwaa go yaabi aanind oodi Kitchi Giiwe'dinong enaad'maa'ge'jig
- Zhi'toong shki mkom biiwk'shkaagewin, nbiing wii mina'biz'ang, miinwaa tkwe'taad'win kshkew'zi'win weweni ji de naad'moo'wind'waa nbiing be'mi'yaad'jig, miinwaa zhiwe enji maan'jiin'waat, miinwaa wii temgag emshkoo'waag ezhi aan'ken'maa'ge'waat gegoo.
- Wii nii'gaan'iing min'zhaandming nbiing gegoo mi zhiwebag bekish naad'maa'ge'yaat giiwe aan'ind enaad'maa'ge'jig tkwet'moo'waat gegoo kitchi zhi we'bag.
- Nsid'waab'daming miinwaa daap'na'ming shki na'kaaz'winan wii wiik'ji'toong gaawii gegoo waa maa'naa'daag'mig bekish go nii'gaan'zing maanda nbiing miik'ming

- Wii aab'ji aas'gaab'wi'taageng nbiing kendaaswin, nbiing mchi'sag kin'waaj'bii'ge'win, miinwaa go yaabi aanind na'kimi'gad Kitchi Gimaa'naang en'kii'twaajig en'nii'gaan'nam'waat

### Waa zhi Di'gwash'ngang Zhiwe

Kinadaa Biish Genwendgig ani dgwa'bi'za'wag zhiwe pane aand'seg akiing. Nbiishing bem'biz'jig da bsi'kaag'naa'waa aand'seg kina go mzoowe kshkitch'ge'win miinwaa shki mibiza'win miinwaa de'kaa'shiinh'win. Kitchi zhiwebag ko'jiing miinwaa kitchi aandseg ezhwebag ko'jiing go ga'ye psi'kaa'gem'gad mzoowe akiing kina maad'ziw'nan miinwaa endaa'aat kina emaad'ziim'gag, miinwaa go minig ebid mkom nbiing endsa biboon.

### Shka'ye Ezhi Paag'mib'deg gegoo

Shki biiyaab'koo'ye dibishkoo mji'men'jigan ekendaa'soom'gag geshkam go ni zhaam'gad owe jiimaa'nan eshi mib'deg miinwaa eshi na'kiim'gag. Maanda ni'ke'yaa shki biiyaab'koo'ye, geshkam go jii'maanan nchi'ke mib'de'noon. Geshkam go ni shki'aach'gaa'deg na'kii'waanhsan mii'gwa temgag weweni wii naad'moo'wind gonda Kinadaa Biish Genwendgig miinwaa jii'maa'nan enkiit'gig waa zhi kin'waaj'bii'ge'yaat miinwaa wii min'zhaand'mo'waat nbiing mib'zoowin enkam'gag. Giiwe nend'waab'ji'ge'jig miinwaa enaad'maa'ge'jig goji gegoo zii'g'seg naadmaawg'naa'ah bii'yaab'koonhsan em'jiwg'ni'gaa'deg miinwaa go aanind nchi'ke e'mib'de'gin. Miinwaa dash, shka'yin emib'de'gin bkaan ep'de'gin da aanchtoon owe jii'b'waa nii'zaan'ag miinwaa gaawii aap'l'ji gegoo jii'b'waa zhiwebag nbiing.

Zhiibaa'aabwin kinwaaj'bii'geng, now'giizhig bembid'e'gin mzi'naa'tes'ji'ga'nan, naam'biing daabaan'ag, zhiib'aa'tes'jig'an'an, miinwaa nda'kenj'ge'win'an mii'naa'aan niwe Nbiing Genwendgig ooshmi go we'wiib zhibiiganan. Din'kaaz'naa maanda kin'waaj'biigan wii naad'maawg'yaang en'kam'gag nbiing. Dibishkoo gonaa gonda now'giizhig bembiz'jig nda'ken'daa'naa'an mkom nda'kenj'ge'win, miinwaa pii waa biiwk'shko'yin owa mkom. Dash wiig'wa, pa'ne go wii aab'ji'taang wii nishi'toong kina gegoo wii de na'kaa'zang dash we zhiwe mjimenj'ganing kinwaaj'bii'geng weweni we miig'weng aapiji nend'wen'daa'gog nakii'win miinwaa ezhi naad'maa'geng zhinda enji ntaa aandseg miinwaa ezna'naa'gog nbiing kina go goji.

### Zoongtoong miin'go;wew'zi'win en'naa'sing

Kina goji aand'seg mzoowe akiing miin'go'wew'zi'win en'naa'sing da gaanj'web'naan Kinadaa Biish Genwendgig ooshmi wii zhi'biig'taa'aad miinwaa ji aab'iji taa'aad wiind'maa'ge'yaat ezhi miig'we'aat nakii'winan zhiwe enji mibdeg gegoo. Ban'deg ge niindaa'weng gegoo miinwaa nak'mi'gad dbish'koo maanda COVID-19 aawk'zi'win gii mibdeg gii baa'tii'nad mzoowe kina goji wii bej'bi'deg kina gegoo wii maa'jiish'kaam'gag. Bekish go maanda ga'ye ezhwebag ko'jiing aandseg ezhwebag miinwaa pane aand'seg mzoowe kina akiing miinwaa kitchi gaming nika'yaa ezhi mina'waab'goom'ding, ninda go pane aand'se'noonn. Oodi akiing dbishkoo Korea, Singapore, Japan, Netherlands miinwaa Norway ga'ye'nwaa maa'j'taa'wag wii bin'ma'waad ezhi na'kaaz'waat shka'ye mib'de na'kiw'nan miinwaa mji'menj'gan nakazang wii mibdeg wii mi'yaang nbiing.

### Mina maajiish'kaa kitchi Giiwediong

Gaag'wa goji yaabi tesnoo goji oo'we ezhwebag ko'jiing weweni ji aamb'ji'gaa'deg mii gweta oodi Kitchi Giiwediong nikeyaa. Pii ni shpaamgag epiichi gzhi'deg, oodi go gegoo tesnog kitchi Giiwediong daa maajii nsaawk'sin wii paa oo'de'took'migag miinwaa maajiish'kaawin noonch gegoo. Giiwe, Nbiing Genwendgig da ginooj'gaaz'wag wii'yow aas'gaab'wi'taa'ge'yaat zhiwe ezhi nda'wen'daa'gok, bekish go:

- Naad'maa'geng zhiwe niibina'ii aan'ji zhis'doong maa'jiij'gaa'deg Kitchi Giiwe'di'nong

- Naad'maa'geng miijim wii teg miinwaa ooden'wisan wii waan'kiing
- Tkwe'taming gegoo kitchi zhiwebag Maritime, miinwaa go da'ne'geng miinwaa zhaab'wii'chi'geng, miinwaa go tkwe'taming zhiwe nii'zaa'nag
- Nishi'toong owe miig'we'win pa'ne go, kin'waa'j'toong, miinwaa aa'bi'ji ka'waa'bing Kinadaa epiichi naag'doo'wen'dang Kitchi Giiwedonong ga'ye gna'waab'dam'aa'zad

Maanda nakii'win aab'dig, wii wiiji gaab'wi'wag Kitchi Giiwedonong Anishinaabeg, Entam Gaab'widjig, Aab'too'ziinh'yig miinwaa go aanind yaabi Kitchi Giiwedonong edgo'gaabwidjig gaye'nwaa. Da zhiwe'bad go ga'ye wii naag'doong Inuit Nunangat Policy, Arctic miinwaa Northern Policy Framework, miinwaa go Inuit-Crown Partnership Committee.

#### Aabdig go wii maajibizang wewiib maanpii enji aandseg aki

Kinadaa Biish Genwendgig go aabijig naad'maa'ge'wag gegoo kitchi zhiwebag, maage waaw'ye'se mib'zad maage kitchi moosh'kang. Da maaji kitchi zhiwebat kojiing geshkam go, aab'dig go wii zhiit'aa'ying wii naad'maa'ge'ying dib'ii'iidig go, aas'gaab'wit'wind'waa niibina bemaad'zidjig. Mii go ga'ye naa'saab, Kitchi Gimaa'naang aab'ji'taad wii nakii'taang naag'doo'wen'dang nsamdana minig shi ngod'waag nbiing piinish Niizhing mdaaswaag shi nsam'da'na biboongag, aabdig wii zhi'biim'ang en'naang'zhe'ying zhiwe enji ka'waab'dam'ing miinwaa wii gaanj'web'na'ming ezaag'chi'gaa'de'gin akiing. Kinadaa Biish Genwendgig go ga'ye da aabiji mii'gwe'naa'aan jiimaa'nan wii naad'maad'ge'yaat zhiwe kojiing kitchi kinoomaadwin, giigoonhke minzhaand'ge'win – oo'we emja'ii'wang, ebaa'taa'chi'gaa'des'nog, miinwaa gaawii ebgid'ni'gaa'des'nog giigoonh'ke'win – miinwaa wii tkwazh'weng aabdig.

Epiichi gina'waabdang maaba Kinadaa Biish Genwendgig shkaa'iin bii'yaab'ko'iin dbishkoo mjimenj'gan'ing nakii'waan'han'ge minezing ani mi'seg, aab'ji'taa wiig'wa aaw'wid oo'we pa'ne gegoo en'da'ken'dang. Da yaan geg'wa oo'we aad'zi'win kina gegoo wii ken'dang shka'ye ge, miinwaa pa'ne gegoo zhi wiidoo'kaazad.

#### Kitchi Na'kii'wi'nan miinwaa Mzoowe akiing enaad'maad'jig

Kinadaa Biish Genwendgig besha aapiji wiiji'nakii'maa'aan niibina enaad'maa'gwaa jin kina go noonch gegoo ni'ke'yaa kitchi kendaas'win, wii waan'kii wang miinwaa wii mina'waab'mew'zi'waat. Nda' wiiji na'kii maa'naa gegwaa Kitchi Mookmaani Biish Genwendgig wii naagdoo'wend'maang St. Lawrence waterway miinwaa Kitchi G'miin temgag zhiwe Nsing mdaaswaag shi niizh'waas'waag dbaa'baan waa mi zhaang. Nda dgon'daap'kaaz'mi gegwaa niibina mzoowe akiing miinwaa go Kitchi Gaa'ming enaap'kaaz'jig wii nakii'toong'gwaa oo'di Kitchi Gii'we'di'nong. Ndoos aas'gaab'wi'too'waa'naa'nig gegwa Kinadaa eniigaanzidjig nbiing kendaaswin ooden'winhs, miinwaa go gii'we enaapkaazjig niibna endag'ken'gedjig. Gegwa ndoo wii'doo'kaaz'mi go ga'ye kitchi na'kii'win di'baa'teg dibishkoo National Marine Advisory Board. Kinadaa Biish Genwendgig go da aabiji miinaa'waan kina ezhi dgwaap'kaaz'ni'jin ga'ye ezhi ken'daas'waad miinwaa go wii kend'mo'waad go ga'ye gegoo.

#### Mbe Go Zhichgewin

Baatiinad go ge'zhi wiik'ji'chi'gaa'deg'ba gonda Biish Genwendgig kitchi waasa naabing waan'da wiik'ji'too'waad kina nakii'winan. Ninda aan'nind zhich'ge'win'nan:

- Zhi'toong oo'we waa naa'biis'ji'geng bekish naa wii maa'too'kiing mni'men'ji'ganing etem'gag was zhi wiind'moon'dwaa gii'we ewii'doo'kaaz'jig.

- Aab'ji'taang go wii na'kaa'zang owe mji'menj'gan nakii'yaanhsan wii na'kii'toong nbiing waa zhi mib'zang, miinwaa waa mi na'kwe'geng, wii giik'na'ming ezhi'na'kiimgag nbiing mib'zang miinwaa ezhaawsh'kwaan'deg ki'dang tinow niin'daa'wew'win
- Aas'gaab'wi'ta'win'dwaa Kitchi Giiwedionong oodenwisan miigweng waa zhi miikwin owa mkom, maa'too'king nbiing kendmaaw'zi'win, miinwaa aabji nakiitming waa mi zhi'zhaang oodi Giiwedionong ni'ke'yaa.
- Wiji nakii'twindwaa gii'we emshkwa'tko'kii'jig miinwaa maa'too'kiing kend'maaw'zi'win zhiwe enji wiik'jich'geng, de'kaa'shiinhwin miinwaa mnen'daawg'zi'win tinow na'kii'win – bekish go Canadian Marine Advisory Council – wii zhi'noo'maa'geng ebi'yaam'gag gegoo ge zhi maa'naat'seg'ba maage pi'deg zhiwe nbiing niki'yaa
- Maa jiish'kaa'toong eshka'ye'wang Giiwedionong edbish'koo'seg ezhi debwe'end'ming wii mina nakii'twaang Kitchi Giiwedionong nakii'winan, "Giiwedionong, sha'we'ying Gii'we'di'nong, nzaam Giiwe'di'nong"tinow kidwin.
- Aab'iji wii'doo'kaa'zang go pane da'kend'ming ezhi psi'kaa'gem'gag ooshmi getchi mchaa'gin na'kii'winan, miigweng dash enendming miinwaa gezhi nishing'ba mi'yaang nbiishing, waan'kii'win miinwaa waa zhi min'zhaand'ming gegoo geskana mi'zhi'we'bag
- Mina nakiing wii mniw'doong shki maaj'taa'win zhiwe Kinadaa Biish Genwendgig miinwaa nda'waab'ji'gaa'deg enkii'taa'ge'jig enend'mo'waat waa zhi minab'deg enji nakii'yaat.
- Kin'waaj'biim'ing ga'ye ge dgon'gaa'deg'ba wii minab'deg oode'nwiinh'san dgop'kaaz'win – dbishkoo Kinadaa Biish Genwendgig Auxiliary miinwaa CoaSTAL Marine Response Teams – wii mchaa'too'waad miinwaa wii nishi'too'waad Kinadaa nbiing tkweshk'taadwin naap'kaaz'win
- Sind'waa gonda Biish Genwendgig zhiwe ntam Kitchi Gimaa naap'kaaz'win zhiwe nbiing kitchi zhiwebag tkweshk'daad'win
- Besha wiji na'kii'twindwaa gii'we aan'ind bkaan Biish Genwendgig miinwaa Navy wii kend'ming shki ezhi na'kiing miinwaa ge zhi minab'deg'ba na'kii'win
- Zhi'toong ezh'webag epii'taa'teg waa zhi tkweshk'ming naa wii aabiji miigweng nakiiwin wii mib'deg zhiwebag maanda ezh'we'bag epii'taa'teg aand'se'win
- Aas'gaab'wit'win Kitchi Gimaa'naang en'no'kii'waat wii zhwen'moo'waat oowe esa'web'deg myaan'naa'dag giizhigong miinwaa nbiing miinwaa wii miik'maang maanda ezhwebag kojiing epiitaateg niizaanziwin
- Naawk'ni'ge'win me'ne'aag wii aas'gaab'wi'taad'ming wii naag'doo'wendming nbiing kina goji
- Wiid'bim'dwaa Anishinaabe gimaa'winan, naap'kaaz'winan, miinwaa oode'nwinhsan miinwaa kitchi Gimaa'kaaning wii wiwk'ji'toong naasko'daadwin
- Mshkoo'si'doong megwaa ezhi nakiing wii mnaw'goom'ding miinwaa wii mnew'doong debwe'taad'win'an gonda ge Anishinaabeg.
- Wiji tkob'nind'waa ga'ye Kitchi Mookmaan genwendgig miinwaa aanind mozoowe akiing ewiidjtkob'za'jig wii naad'maa'gemgag Kinadaa ezhi tkob'zat mzoowe akiing
- Aabiji na'kii'twind'waa Kitchi Gimaa'naang en'kii'twaa'jig – dbishkoo Transport Canada, Royal Canadian Mounted Police, Department of National Defence, Canadian Armed Forces, Canada Border Services Agency, miinwaa go yaabi aanind – wii aas'gaab'wi'taa'gaa'deg Kitchi Gimaa getchi pii'ten'dang wii zhichged



## Dibaajmownan Kwed'weng

- Kinadaa Biish Genwendgig megwaa bem'bi'degin nakew'nan miinwaa ezhi naad'maa'geng zhibiigaaden'wan zhiwe Services pillar. Ten'wan naa yaabi gegoo kshkew'zii'win miinwaa nakii'winan goji bkaan nbiing waankiiwin emiig'wed'jig – bekish go mzoowe akiing Biish Genwendgig, zhimaagnishag navies, maage daa'we niniwag – ge mka'wend'mo'waa'pa gonda Kinadaa Biish Genwendgig?
- Tenwan na yaabi nakii'winan kinadaa Biish Genwendgig ge miig'we'yaa'pa mshi gaa dbaa'chi'gaa'des'nog zhiwe tkwa'kiich'gan'ing ed'baa'chi'gaa'des'nog?
- Maanda Na'kii'win tkw'kiich'gan naa'bi'sin waa zhich'geng gonda Biish Genwendgig ge zhich'ge'ya'paa wii kshki'too'waad wii na'kiit'mo'waat ninda waasa naawk'ne'ge'win wii tkweshk'ming. Yaabi na gegoo temgad ge zhich'geng'ba?

## Be'maad'zidji Naa'niib'wich'gan – Wenesh Maag'wet

Noonch epii'ten'daag'wag eyaam'ying mii sa gii'we en'kii'taa'ge'jig. Giishpin yaas'waad, gaawii gdaa kshkit'maa'sii'mi, gaawii gda tkweshk'zii'naa maanda ewiik'ji'too'ying, maa'ge wii miigwe'ying na'kii'winan. Kinadaa Biish Genwendgig aang'zhe'yaan bemaad'zin'jin niibna go ezhi nag'ji'too'jig gegoo miinwaa ezhi miin'go'wew'zi'waad dbishkoo:

- Jiimaaning egmaawjig
- Jiimaaning nak'kiw'winan Neg'ji'too'jig
- Jiimaaning enaad'maa'ged'jig
- Jaa'baa'kwe'jig
- Nbiing giig'doo'win miinwaa waa pizang enkii'too jig
- Waa nda'ne'ged'jig miinwaa waa zhaa'b'wii' na'kii'jig
- Ewii'naag'mig miinwaa Ebaab'teg giizhgong en'kii'jig
- Noonch enaang'zhe'jig ( dbishkoo emook'daas'jig, edgokwis'gejig, eshoos'ga'ge'jig)
- Ekinoomaage'jig miinwaa ken'daas'win be'miik'gig
- Emaawn'doo'bii'ge'jig miinwaa enii'gaan'zid'jig
- Zhibiige gami'gong eaas'gaab'wi'taage'jig miinwaa giiwe e'aanke'aang'zhe'chi'gaaz'jig

Kinadaa Biish Genwendgig gegwa ten'wan niibina go noonch gegoo waa zhi na'kiing:

- Bem'bi'de'gin nbiing
- Waan'ji gwaab'zang miinwaa wii ngaab'zaang nsing zhinaa'gwag, Kitchi gmiin miinwaa St. Lawrence zhii'baab'zang
- Noonch gegoo aach'kin'gan'an waan'ji na'kii'toong wiig'waam
- Kinadaa Biish Genwendgig kinoo'maa'ge gamig zhiwe Sydney, Nova Scotia
- Now'wi'ying end'ji maan'jiin'waat oo'di Kitchi Gimaa'kaaning oo'de'na

## Waani Zhich'geng Kitchi Gbe'ying

Endsa giizhgag, bemaad'zid'jig mi'yaa'wag nbiing, now'giizhig, miinwaa go enji na'kii'yaad miik'waa'at Kinadaa bemaad'zin'jin. Naad'moo'waa'an wii zhaab'wit'too'waad maad'ziw'win miinwaa wii naag'doo'wend'moo'waat kina go ko'jiing. Kinadaa Biish Genwendgig kitchi pii ten'daa'naa'waa wii naad'moo'waa'at enkii'taawg'gwaad'jin. Mii dash edming maanda wii naad'moo'wind'waa enkii'taa'ge jig wii temgag waa zhi mina'bi'zoo'waat wii daap'nam'waat ooshmi wii kend'moo'waat nakiiwin miinwaa waa naang'zhe'yaat. Wii temgag zhiwe na'kii'wiw'ning oo'we gezhi giik'shkaang, kendmaaw'zi'win miinwaa gimaa'win nend'wen'daag'wag, maaba Kinadaa Biish Genwendgig nda'kendaan waa zhi:

- Nishi tood bemaad'zid'jig wii mina na'kii'yaad miidash ji temgag getchi piitendaa'gwak na'kii'win
- Wii naawk'na'ming miinwa wii miig'weng kinoomaadwin gonda Kinadaa Biish Genwendgig Kinoomaagegamig ge zhi kinoo'maage'yaad ge ni aaw'wang shka'ye zhiwe enji na'kiing
- Wii temgag ewaan'kii'yen'daag'wag na'kii'win bekish a mnaw'naat enkii'taawg'jin
- Wii mshkoo'si'doot oo'wa Kinadaa Biish Genwendgig ji zhi'gaab'wit nii'gaan'zit kina mzoowe akiing bekish miig'wet waa zhi nakiing miinwaa kendmaaw'ziwin ji temgag ooshmi
- Daap'ni'gaa'deg egbaaw'saach'gem'gag wii aang'zhe'yin wiya miinwaa wii gina'wen'mind'waa gii'we enNtamgaabwidjig, Kitchi Giiwedining enj'baajig, miinwaa Aabtoo'ziinh'yig

- Wii gaaz'min'dwaa wii mkwend'moo'waat shka'ye gegoo, wii wiiw'ge'yaad miinwaa pa'ne wii skoon'wi'yaat.
- Wii daap'na'ming oo'we wii dgo'jiin'dwin, niibina bekaan'gaab'wid'jig tinow, daap'shkoo zhi'se'win miinwaa ji wen'pa'nag wii biindi'geng

### Waa Zhi Di'gosh'nang Zhi'we

Ken'daaw'gwat go maaba Kinadaa Biish Genwendgig aabdig wii aaj'aah'aan en'kiin'jin. Da yaa'wag go gii'we ezhi'se'nig wii shkwaa na'kii'yaat gmaa'piich go wiikaa ni'aaw'wang Niizhing mdaaswaag shi niizhtana shi biboongag. Temgad ge noonch egaa'ching'gin waan'jib'nin oo'wa en'kiid. Aab'dig kwii mnaa'den'maa'naa'nig Kinadaa bem'aad'zid'jig, miinwaa aabdig kwii shpaa'too'naa ezhi na'kii'ying miinwaa ezhi nii'gaan'gaab'wi'ying.

### Ezh'we'bag Yaas'gwaa waa na'kii'jig

Mne'aah'aat engach'toojig nakii'win go da mina'bides'noo nakii'win, wii mina maajii'b'deg ezhi'minga'wew'zii'aang, miinwaa kshkew'zi'win wii maa'jii'aaw'da'waang nendwen'daagog. Niibina Kinadaa Biish Genwendgig en'kii'taa'ge'jig go pa'nemi'yaa'wag nbiing naa'waanch, naad'god'nong gegwaa enji niizaa'nendaagog. Miidash maanda enji maa'nen'daa'gog en'kii'taa'ge'jig wii dbishkoos'doo'waat nakii'win, skoon'wing, miinwaa ezhi ngod'we'aangi'zing en'daang. Mii dash maanda ken'daa'gog mii psi'kaa'gem'gag mi da'waang'shech'geng miinwaa wii gina'wen'mind'waa en'kii'taa'ge'jig. Wiiiba go Kinadaa Nbiing Genwendgig da zhi'web'ziwag gaawii aapiji wiya da yaa'si waa na'kiid zhiwe enji kitchi da'wen'daa'gog.

Maanda dash pii zhiwebag, mnezing waa nakii'jig, aabdig pa'ne wii gina'waab'daming maanda bemaadzit nakii'win maawn'doo'sing miinwaa ezhi zhich'geng gegoo wii ani aabiji mina'bza'aang miinwaa wii tkweshk'maang oo'we en'kiit'maang. Aab'deg ge wii jep'zii'yaang wii da'waab'mang'git waa na'kiit miinwaa waa zhi gna'wen'mang'git.

Maanda enaap'kaazang nakii'win miinwaa etegin niib'na nakii'winan mzoo'we go maan'pii akiing miinwaa go aaw'wing Kitchi Gimaa'naang na'kii'win, nga moosh'too'naa go maanda noonch ezhwebag ezh'web'zi'waat be'maad'zid'jig. Dgo'te ge naawk'ni'ge'winan, miinwaa debwe'taad'winan eniigaan'bideg min'zhaand'waa bemaad'zid'jig, go ge ni aanj'naa'gok ooshmi go ani aaw'wang.

### Wii kinoomoo'wind'waa wiin'ntaa nakii'yaad

Bii'yaab'koo'ye kina gegoo ni zhinaag'waad nango miidash ezhwe'bag enji'na'kiing. Kina go nbiing ni'ke'yaa dibaaj'mowin miinwaa zhiwe jii'g'biig esh'sing, nbiing enaawk'sich'gaa'deg miinwaa na'kiinh'waas'an en'naad'maa'gemgag wii mib'zang. Kinadaa Biish Genwendgig go aabdig wii maa'jii'g'shkaa'aah'aat niwe en'kii'taa'ge'jig, miinwaa wii kinoo'mwind'waa waa zhi mib'de'too'waad miinwaa waa zhi naag'doo'wend'moo'waad:

- Shka'yiin bembidegin etemgag zhiwe shki bi'yaap'ko'ii giigdoo'win
- Shki na'kii'yownh'san wii mibdeg
- Shki tkweshk'mang gegoo zii'g'seg dbizh'gewin
- Shki mnjimenj'gan zhibiigewin naadmaagewin weweni wii mibzan

Niibina nsa baboon waa bi yaam'gag, ninda shki na'kaaz'win'an da aab'jib'den'wan sha'we'ying go zhiwe ge'te jii'maan'an miinwaa emaawn'ji'seg. Ka naad'maawg'na sadh wiig'wa wii zhi'too'ying ekend'ming

naaw'kni'ge'win ani nii'gaa'nii'ying zhiwe ooshmi maawn'ji'seg kitchi twaaw'ziwin kendaas'win, nbiing miinwaa go akiing.

### Biiwi'ying Aadziwin maa'nen'ji'ge'win

Geshkam go kitchi pii'ten'daa'got go gonda Kina'daa Genwengig enki'taa'ge'jig wii yaam'waat kshkew'zii'win waa'zhi wii'doo'kaaz'waat, maam'wi naad'maad'waat, miinwaa ooden'aang wii wiiw'ki'ge'yaat Anishinaaben ge. Maaba Kinadaa Biish Genwengig kitchi pii'ten'daa'naa'waa wiiw aan'ji maa'j'taa'waat wii mna'goom'aah'aat Anishinaaben ewiidookaaz'jig miinwaa wii nishi'too'waad ezhi na'kii'ying.

### Gimaa'win Waa ani yaamgag

Ezhi kshkitoo'wing go wii zhitoo'ying wenji'shing naawk'ni'ge'win gimaa'win nji miinwaa min'zhand'win da kitchi pii'ten'daa'god wii ni mina maa'jiish'kaang. Mii go zhiwe go ji gwek'wen'daagag wii miig'we'yaang ezhising naawk'ni'gewin miinwaa tinow na'kii'win nend'wend'maang. Mii go edming da dbish'koo'se miin'waa da temgad wiiw'win zhiwe nakiiw'ning ezhnaaw'gog zhiwe nooch ezhgaab'wid'jig kinadaa bemaad'zidjig. Da dgo'bii'gaa'de go ga'ye naag'doong ni'we Values and Ethics Code for the Public Sector wii ginoo'wend'ming owe pen'mand'win miinwaa debwe'taad'win e'debwend'moo'waatKiadaa bemaad'zidjig enaad'mmong'gwa endsa giizhigag. Ka debwe'wend'daa'naa kendaas'win miinwaa gimaa'win zhiwe endji na'kii'win, aan'ke'toong oo'we zhaazhi etemgag zhiwe Kinadaa Biish Genwengig Ki'noo'maa'ge'gam'igoong.

### Daap'na'ming Zhichigewin

Covid-19 kitchi aawk'ziwin gii nash'kwe'gem'gad kina go goji Kinadaa Biish Genwendgig na'kii'win'ning. Kii kinoo'maawгнаа dash wiig'waa ezhi kitchi piitendaag'wag mjimenjigan'ii nakaazang wii kendming noonch gegoo, waa zhi ginoond'dii'ying, miinwaa go yaa'bi gegoo. Maanda kitchi aawk'zi'win gii mi mibdeg, miinwaa go gii tkoose'waat enki'taa'ge'jig, mii go gaa'zhi kend'ming niwe aapiji nend'wend'daawk'kin wiini aab'zi'kaa'ying.

Ka na'kii'twaa'naa'nig go gonda en'kii'taa'ge'jig pa'pii'chin wii gin'noo'waab'dam'waat gda bemaad'zid na'kaaz'win'nan miinwaa zhi na'kii'winan. Nga aabiji taa mi go wii nak'kaaz'yaang oo'we Public Service Employee Survey. Nga aabiji da'waab'daa'naa gegwa noonch gegoo waa zhi maam'gin'maang ekid'waat en'kii'toong'gid'jig wii kend'maang end'gwenh gegoo teg waa miik'ming miinwaa ge zhi naa'sij'geng ba.

Baa'tii'nad go ge zhi wiik'ji'chi'gaa'deg Kinadaa Biish Genwendgig waa ni zhichgeng kitchi gbeying Bemaad'zid'jig nji. Ninda memaanji kitchi pii'ten'daa'gwag ge zhiweb'ki'ba:

- Maaj'taa'toong en'nishing'gin da zhichgewinan miinwaa ezhi na'kiing pii aang'zhech'geng miinwaa naad'moong'gwa en'kii'taa'ge'jig, zhiwe go pii da'waang'zhech'geng niinwaa maach'taang, nsid'waab'ding miinwaa maam'na'nend'ming
- Wii wiiw'ji'toong wii maam'wi naad'maa'ding gi'we e wiji na'kii'maa'aang zhiwe Kina'daa maritime ni'ke'yaa wii giik'nam'ing minig eyaa'aad en'giz'jig nbiing bemi'na'kii'jig
- Wii'ji na'kiim'ndwaa union miinwaa central agencies wii bin'maang bemaad'zidjig ezhi na'kii'yaad wii tkweshk'ming waa ni mnez'waad gonda en'kii'taa'ge'jig
- Na'kaaz'ang shki mnji'menj'gan'ing na'kaaz'win'an, ga'ye go oo'we OnCourse Learning Management System, miinwaa Kinadaa Biish Genwendgig Kinoomaagegamigong noonch go bemi tegin, wii naad'moo'wind'dwaa en'kii'taa'ge'jig kina go goji Kinadaa wii aabji taa'aad wii skoon'we'aad miinwaa wii giik'nam'waad kend'maaw'zi'win

- Aabiji miigweng go oo'we ejep'ziim'gag National Recruitment Strategy, miinwaa go aanind yaa'bi ezhi da'waang'shech'geng
- Kitchi na'kiing go wii toong zhiwe pii dawaang'zhech'geng men'ez'waat en'kiijig, dgo'jiind'waa go ga'ye Entam'gaab'widjig, Kitchi Giiwedionong enj'baa'jig miinwaa Aab'too'ziinhyig, miinwaa go aanind edbishkoo'se'win nend'waab'dang'gik oodenwinhsan
- Giik'nam'ing Anishinaabe dgo'gaab'wi'yin kina go goji zhiwe teg wii na'kiing miinwaa go kina ezh'gaab'wim'gag Kinadaa Biish Genwendgig
- Aab'iji mchaa'toong ezh'gaab'wim'gag maanda Kinadaa Biish Genwendgig wii aa'wang no'wi'ying waan'ji skoon'wing miinwaa wii ab'l'taang gegoo kendming waa zhich'geng
- Mi wii'tsem'dwaa en'kii'taa ge jig wii nda'kend'ming ge'zhi giik'na'ming maam'na'nenj'gewin zhiwe Kinadaa Biish Genwendgig
- Nakaa'zang giuwe ezhi ngaach'too'jig gegoo gonda enkii'taa'ge'jig wii wiind'maa'ge'waad ezhi naaw'ki'ni'geng miinwaa shka'ye ge zhi mna'gwaad zhiwe dan'kiw'ni'waa.
- Weweni go ngoo'ming aas'gaab'wi'toon'dwaa enakii'toong'gid'jig ezhi mina maadziwaat ezhe'yaa'aad, zhiwe go ga'ye mina maad'zi'win waan'kii'win wii'yow miinwaa nendmoowin mina'maadziwin.
- Aabijig taang na'kii'win wii dgo'jiin'ming [Clerk of the Privy Council's 2021 Call to Action on Anti-Racism, Equity and Inclusion](#)

### Giigdoowin Kwedwewin

- Bemaadziwin Naaniibwichigan zhis'noon waa zhich'geng gonda Kinadaa Biish Genwendgig ge zhich'ge'yaa'pa wii kshkit'oo'waar niwe kitchi gbeying waanda wiik'ji'too'waad. Ge'yaabi na tenwan ge zhich'geng'ban ge mkwenj'gaa'deg'ba?
- Aaniish gonaa maaba Kinadaa Biish Genwendgig ge zhi miik'ma'waa'pa mne'aa'aat waa nakii'jig Wenesh maabe Kinadaa ge zhichge'pa wii mka'waat waa aang'zhe'aa'jin, wii da'waang'zhech'get miinwaa wii aab'ji na'kii'niit megwaa miinwaa go waa ni zhiwebag.

## Ezhi Miin'go'wewzing Naaniibwichigan- Wenesh menez'ying waa miig'we'ying

Kinadaa Biish Genwendgig nsid' waab'ji' gaazwag en' naaz' waad, mskwaz' wag miinwaa waabshkizwag mi'yaa'aat. Ooshmi ngodwaag shi niizhtana bembid'egin nbiing noonch go mi'nan'kii'wag:

- Mko'miin biiwk'shka'waan
- Bemigwiindegin kin'waachigan'an naag'doo'wen'daa'naa'waa
- Da'ne'ge miinwaa zhaab'wii jii'maan'an
- Ka'waab'ji'ge jii'maan'an
- Da'kenji'ge kendaaswin jiimaan
- Giji nbiing bembid'egin

Niibina go ninda jiimaan zhich'gaa'den'wan noonch gegoo wii naab'dag zhiwe nbiing. Aanind go yaabi ezhi miin'gwew'zii'yaang aawan'oon baas'jig'an'ag miinwaa giiwe bembiz'jig now'giizhig e'mzin'aa'tes'jigedjig getchi naad'maa'ge jig wii nishing ooshmi en'na'kii'yaang.

Kinadaa Biish Genwendgig go ga'ye bim'bid'etoo'nan:

- Enji gbeshing
- Enji maa'jib'zang
- Enaad'maa'gem'gag wii mib'zang
- Bii'yaab'ko'ii miinwaa mjimenjigan nakaaz'zang wii moozhin wiya mib'zat giizhigong maage akiing
- Bgod'aa'kwaa etegin giig'doo'win
- Enji nakiing wiigwaam

End'sa biboon, ndoo aanj'shi'maa'naa'nig ooshmi go Niizhwaaswi shi Mdaaswaag ni'we nbiing bembigwiinde'gin miinwaa kin'waach'chi'ganan wii naadmaa'gem'gag nbiing mib'zang.

### Waa Ni Zhichgeng Kitchi Gbeying

Weweni go mnig te'gin jii'maan'an, enji taa'sang, enji na'kiing, bembiz'jig, miinwaa ezhi miin'go'wew'zing mii go Kinadaa Biish Genwendgig gezhi mnew'doo'waapa da'kew'ni'waa. Mii'dash maanda tem'gag Kinadaa Biish Genwendgig gin'waab'daa'naa'waa waa zhi:

- Waa zhi giish'na'dood miinwaa waa zhi minzhaand'dang oo'we miin'ga'wew'zit waa zhi wen,pa'nag, zhi'baa'min'aag'wag, wii nishing gbe'ying wii nishing miinwaa wii nishing zhiwe kina go kojiing ni'ke'yaa
- Wii mshkoo'toong manj go waa'zhiweb'da'gwenh zhiwe epang'jib'deg nbiing bembid'egin miinwaa go wii aab'jib'deg ndan'kiw'ni'naa
- Wii ginoowaab'da'ming miinwaa wii zhis'doong waa zhi nishing wii na'kiit'ming ezhwebag kojiing miinwaa waa zhi naa'na'na ming minig esawesh'kaag e binaajim'gag akiing miinwaa giizhigong
- Zhis'doong oo'we mnji'menj'gan nakaazang wii dbaam'da'ming be mi zhaang kina go Kinadaa, miinwaa nboch'ingwaa Anishinaabeg ewii'doo'kaaz'jig miinwaa go yaabi emshkoo'tko'kii'jig

- Toong niwe emaan'ji kitchi nen'daawk'kin waa naad'maa'gem'gag wii mib'zang nbiing,dawaam'ji'geng miinwaa zhaab'win'geng miinwaa giishpin gegoo njigaag maage ziik'seg wii abb'jib'deg miinwaa weweni ji naad'maa'gem'gag kina go mzoowe akiing miinwaa go Kitchi Gaming

### Waa zhi dgosh'nang zhiwe

Kinadaa Biish Genwendgig aabji'taa'wag go wiim'bin'mo'waat en'taas'waat niwe jii'maan'an gaa maaj'taam'gag'ba Niizhing mdaaswaag shi naanan bibongag'ba. Ooshmi go ngod'waag bem'bi'de'gin giish'naaj'ga'denwan miinwaa zhich'gaad'enwan, miinwaa niwe gete'yin shkwaa'taach'gaa'denwan. Miidash maanda enji zhiwebag wii ani minab'deg miinwaa wii ani aab'zi'kaa'ying.

### Ezhi naabii'sing aanji maaj'taa'win

Eni wiikaa aawang Niizhing mdaaswaag shi niizh'tana biboongag piinish wiiba go Niizhing mdaaswaag shi nsamdana giizhgad Kinadaa Biish Genwendgig aabdig wii shkwaa'taa'too'waad gete jiimaan'an. Naasaab dash go ga'ye shki jiimaan'an da yaa'naa'waan miinwaa da gijib'de'too'naa'waa niwe. Maanda zhi aanj'gaab'wiim'gag ninda jii'maa'n'an go da temgad maa'nenj'ge'win dbishkoo aabdig wii kendmo'waat enkii'taa'ge'jig waa zhi mib'de too'waad shki jii'maan'an. Da temgad dash wiig'wa ga'ye waa bsh'gen'daa'gog, dbish'koo gonaa ji mshkoo'ziim'gag ninda shka'yiin. Dbish'koo pii Niizh'waswi shi nsamdana biboongag niibina go jiimaan'an da aanji dbizh'gaa'den'wan wii mina'sing miinwaa dash Niizhing mdaaswaag shi niimdana biboongag, mii miinwaa ji maaj'taamgag wii aanch'chi'gaadeg miinwaa jiimaan'an. Kina go ninda da ni zhi'se go enaawk'ni'geng zhinda Waa ni zhichgeng kitchi gbeying mem'di'ge go na'kiing wii na'zhen'ming maanda mji'ye esaweshkaag nbiing miinwaa giizhigong wii zhitoong ooshmi e minwaap kaazot Kinadaa Biish Genwendgig. Ga'ye go da miiw'kse maanda wiiji nakiim'dwaa Anishinaabeg

Kinadaa Biish Genwendgig da wiiji nakii'maan niwe Kitchi Gimaan enkii'twaa'jig miinwaa jiimaan'an gesh'too'jig wii giish'toong maanda aanj'toong jiimaan'an. Be'kish dash go maanda na'kii'w. na'kii'win nga min'zhaand'daa'naa go gegoo zhi noon'go'aang miinwaa go ngaab'doo'waang jiibwaa kitchi bes'kaamgag gosh'kiji'taa'sang miinwaa nakiit'maang jiibwaa kitchi bang'deg gegoo. Enkii'taa'gejig mne'aa'at miinwaa bemwidj'gaadeg beskaam'gag go ezhi nii'zaan'ag weweni ji aanj'too'waang jiimaan'an aand'seg. Jiimaan'an aanke'chigaadeg go aab'deg da zhich'gem naa'saab pii zhiwe jii'biig pii aanch'chi'gaadeg.

Pii aanch'too'waang shki nakii'win'n'an miinwaa mchaa'too'waang nbiing waan'kii'win, Kinadaa Biish Genwedgig da tkwesh'kaa'naa'waa aabdeg:

- Wii nsood'mo'waat zhiwe jii'biig besha etegin kina go goji temgag waanji'maajii'zang
- Wii shkwaataatoong gete miingo'wew'zii'win, dbishkoo giuwe nbiing kin'waach'chiganag
- Weweni wii gba'ming miinwaa wii ziig'web'na'ming enishiznok maa'ge enii'zaanak gegoo

Waa na'kaa'zang go pa'ne da mne'aah, Kinadaa Biish Genwendgiggo pa'ne da nda'waab'daan waa zhi na'kaaz'at ezhi mii'go'wew'zit niib'nan'ching go ni'ke'yaa gegoo. Dbishkoo go jii'maa'n'an go daa na'kaa'zam go bekish da'ne'ming kina go kojiing kendmaaw'zi'win, kina go ko'jiing ge zhi mina'zha'web'ki'baa, miinwaa da'ne'gewin miinwaa zhaab'wii'win en'na'kii'jig. Ni'we go

ga'yeZhiibaa'aamjiganan kitchi now'giizhig etegin, miinwaa na'kii waahnsan now'giizhig bembidegin go ga'ye noonch daa'naang'zhe'wag.

### Shka'ii miinwaa noonch ewaan'kii'wen'gaagog

Wii shenming miinwaa wii ni ngad'end'mying ezhi psi'kaa'gem'gag maanda noonch zhiwebag miinwaa enaateg kojiing, Kinadaa Biish Genwendgig aanji dakend'moog oo'we waazhi kshki'too'waad waa'ni teginen'tow'ne'aat. Ndin'dwendaa'naa gonda waa bi te'gin nbiish bem'bi'de'gin ji'de:

- Miig'wet zhi'biik'shkaa'win ni'we Kinadaa Kitchi Gimaa'naang wii maa'jiish'kaa'aat
- Wii naag'doo'wen'min'dwaa kina go goji kojiing eyaajig miinwaa eyaa'waat
- Wii naazh'na'ming showshkwa wiigwaaman mide embaab'teg
- Wii mina daap'nind'waa noonch ezh'gaab'wid'jig enkii'taa'ge'jig
- Wii mnow'doong ewaan'kiwang miinwaa men'bi'deg mi'daab'aazh'wew'win

Ndaab'ji'taami go wii naawk'na'maang waa ni zhi minabdeg wii na'kii'too'waang wii zhen'maang minig mya'naa'dag etoo'waang akiing miinwaa giizhigong. Tenwan go ge zhich'geng'ba wii bi'waad zhowshkwa na'kii'winan miinwaa noondaash enii'zaan'ag mide, aanind gegwa noonch nishi'noon go tinow bezhig bem'bideg. Jiib'waa naawk'ni'geng dash waa ni zhaa'ying zhinda wii'ni zhenming mya'naa'dag ech'gaa'deg akiing miinwaa giizhigong, Kinadaa Biish Genwendgig da minez'naa'waa waa zhi naawk'na'mwaad ge maan'ji nishing nji gonda bem'biz'jig. Kshkew'zii'win go da tem'gad giishpin tem'gad men'bi'deg mib'zoo'win miinwaa yaa'ming na'kaaz'win'an wii aanch'toong mide zhiwe jii'maan'ing. Maanda wii zhenming myaa'naa'dag etoong akiing miinwaa giizhi'gong da naad'maa'gem'gad tem'gad noonch ezh'naa'gog bem'bi'degin miinwaa yaa'ming noonch egaa'ching'gin enkaa'zang noondash yaa'wang mi'de.

Na'kaa'zang mnji'menj'gan na'kii'waanhsan go da naad'maa'gem'gad wii ni nishing maritime aash'doon'ge'win miinwaa wii mib'deg. Da waan'kii'wan, da mshkoo'sin miinwaa noonch noon'daash da tenwan kitchi zhiwebag nbiing mi yang. Mii maanda ge zhiwe'bag naawk'ni'ge'yaang wii zhenming myaa'naa'dag ech'gaa'deg akiing miinwaa go giizhigong.

Ni shkwa'seg maanda Niizhing mdaas'waag shi niish'ta'na biboongag, Kinadaa Kitchi Gimaa'naang da de naawk'ni'ge'wag waa ni zhich'ge'yaad wii zhenming mya'naa'dag ech'gaa'deg akiing miinwaa giizhigong. Megwaa dash wii'go Kinadaa Biish Genwendgig da wii'na'kii'maa'aan enaapkaazwaad ewiiji'na'kii'maa'jin miinwaa edaa'ye'jig bem'biz'jig nbiing kitchi na'kii'win'an ninda nji. Nga gina'waab'daa'naa go aanind Biish Genwendgig, navies, miinwaa da'ye'ninwag kina go goji mzoo'we akiing waa'ni zhi mina'nakiing.

### Nda Zhich'geng

Baa'tii'nad go ge zhich'geng'ba wii wiiwk'ji'toong maaba Kinadaa Biish Genwendgig kitchi gbeying en'naawk'nig'ge'yaad ezhi Miin'go'wew'ziwaad. Na'ye zhinda dgo'bii'gaa'den'wan dbishkoo:

- Wii aa'bi'ji temgag eyaab'jib'degin bem'bi'degin, Jiigi nbiing esh'singin, miinwaa go yaabi na'kaaz'winan
- Wii'na'kii'maa'aan enaapkaazwaad wii'na'kii'maa'jin miinwaa edaa'ye'jig bem'biz'jig nbiing kitchi na'kii'win'an ninda nji. Nga gina'waab'daa'naa go aanind Biish Genwendgig, navies, miinwaa da'ye'ninwag kina go goji mzoo'we akiing waa'ni zhi mina'nakiing.
- Zhen'ming jii'waa wiikaa dgosh'noom'gag shki jiimaan'an



- Na'kii'twin'dwaa giuwe Public Services and Procurement Canada wii mi'gaa'deg ge'baawk'semgag gegoo yaam'wind'waa Anishinaabeg miinwaa dan'kiw'ni'waa
- Wii ntam si'doong wii giish nad moondwaa Anishinaabeg, Kitchi Giiwedonong enjbaajig miinwaa Aab'too'ziinh'yig eyaam'waat wii da'ye'aat.
- Na'kii'twin'dwaa Giigoonh'yag miinwaa Kitchi Nbiing Kinadaa wii maajik'ming ezh'we'bag' ko'jiing wii mshkoo'sing en'naabiising megwa miinwaa edbishkooseg oo'we Greening Government Strategy
- Miikming wazhi zhenming ech'gaa'deg mya'naa'dag akiing, nbiing miinwaa giizhigong miinwaa go biishing bem'bidegin miinwaa go zhiwe besha nbiing gii'taa'ying
- Na'kiit'ming wii bin'ming en'kaazang miinwaa en'naa'biis'ing wii zhi'toong noonch gwe'naaj'wang Kinadaa Biish Genwendgig
- Nda'kend'ming ooshmi ge naap'kaaz'ying ba miinwaa wii mina na'kii'twin'dwaa Kitchi Gimaa'naang enkiitwaa'jig dbishkoo Canadian Armed Forces, Royal Canadian Mounted Police, Public Safety Canada – miinwaa go Kitchi Mookmaan Akiing Biish Genwendgig nji maanda nbiish etemgag gii'taa'ying

### Giig'doo'win Kwed'we'win

- Gegoo na temgad ooshmi ge nishing ba wii naad'maa'gem'gag zhiwe Kinadaa Biish Genwendgig wii mina daap'nam'waad miinwaa wii nakaaz'waat oo'we mji'menj'gan nakii'waanhsan nbiing mi'yaang, miinwaa go wii naad'maa'geng mib'zang?
- Ge teg'ba mii'kaanhsan gii'we kinadaa Biish Genwendgig wii deb'nam'waat ezhi wiik'ji'too'waad zhi'we ezh'biig'gaa'deg Miinga'wew'ziwin Naa'nii'bwich'gan. Yaabi na gegoo temgad ge zhich'geng'ba maa'ge ge mkwenj'gaa'deg ba ge naadmaag'waat gonda wii zhen'moo'waat ezhaaw'shkwaag mide es'we'aa'sing (GHG)?
- Maanda Miin'gwew'zi'win zhi'biig'gaa'de ge zhich'ge'aah'paa Kinadaa Biish Genwendgig wii tkweshk'moo'waat kitchi gbeying waa ni zhich'ge'yaat. Ge'yaabi na gegoo temgad ge miik'ma'waa'pa?

## Gimaa'kaan Naaniibwich'gan-Ezhi Aab'ji'taa'aang wii Maa'mii'gwe'aang

Kinadaa Biish Genwedgig da na na'kiit'waan Kinadaa enj'baan'jin ooshmi ngodwaaswi bibon. Gii maaj'taa'wag Mndaaswaag shi zhaangs'waag shi ngodwaaswi shi niish pii gii bibongag, maanda naap'kaaz'win min'zhaand'daan Kina'daa gweta bezh'gwang en'taaw'ne'aat. Gaawii dash wiig'wa enji mii'gaa'ding nwii'jii'ye'siimi miinwaa enkiitaa'ge'jig gaawii baashk'zig'nan bim'wi'doo'sii'naa'waa. Kinadaa Biish Genwendgig gii dgwaap'kaaz'wag zhiwe Transport Canada pii'nish Mndaaswaag shi zhaangswi shi zhaangs'mid'na shi naanan biboongag, miidash gii aanj'gaab'wi'yaat Fisheries miinwaa Oceans Canada gii zhi aan'jii'wag. Pii Niizhwaaswaag shi naanan biboongag, maanda naap'kaaz'win gii zhich'gaaz'wag wii nchi'ke'gaab'wi'yaat, mii'dash ooshmi gii de na'kii'too'waat wiinwaa gweta nji. Nda aaw'mi dash wiigwa Kinadaa Kitchi Gimaa'naang nda naap'kaaz'mi, miinwaa go aab'deg wii naawg'doo'waang oo'we gimaa'kaan miinwaa ezh'bii'gaa'deg'gin. Miinwaa go Union dbendaawg'zi'wag en'kii'taa'ge'jig. Niibina go maanda enaap'kaadeg nakii'win moosh'chi'gaa'de zhiwe ezhi gimaak'deg Treasury Board of Canada Secretariat, mii oo'we Kitchi Gimaa'kaa'ning kina emin'zhaa'naat enkiitaa'ge jin.

Maanda biinja'ing enaa'bii'sing miinwaa aab'deg waa naaw'doong zhinda Kinadaa Biish Genwendgig go zhi maa'jiish'kaa'wag miinwaa go da aabiji aand'se. Bekish go wii'jii'we zhinda Fisheries miinwaa Oceans Canada, Kinadaa Biish Genwendgig aas'gaab'wi'taanaa'waa kina nakii'waanhsan miinwaa nakii'winan. Beshaa go nda wii'jii'nakii'maa'naa kitchi Gimaa naang ete'gin aachkin'gaanhsan miinwaa go niibina giigdoowinan nwii'jii'emi, nakii gii'taaw'dbiw'nan miinwaa gwek enak'kiijig gegoo wii giik'nam'waat miinwaa ezhi mzinigana'kaazwaat.

Ndoo nakii'taanaa wii mshkoo'si'doo'waang wii mnwaa'goom'indwaa Anishinaabeg ewii'doo'kaaz'jig miinwaa ngitchi piitend'daa'naa waa ni zhich'ge'yaang zhinda wii naask'wa'daad'yaang Reconciliation Strategy ezh'ni'kaa'deg. Nda wii'jii'ye'mi gegwa aanind mzoowe a'kiing enaap'kaaz'jig wii niigaa'na'maang Kinadaa getchi pittendang wii zhich'ged.

### Waa Ni Zhichgeng Kitchi Gbeying

Wii nii'gaan'na'maang Kinadaa Biish Genwendgig ezhi gimaa gaab'wi'yaat miinwaa wii aas'gaab'wi'too'waad ezh'bii'gaadeg aabdig waa'nan'kii'yaad, miidash maanda gen'waab'da'ming wii zhich'geng:

- Aab'deg ni'we naawk'nige'winan miinwaa ezhi dkob'zoo'waat gonda Kinadaa Biish Genwendgig wii mina biigaadeg we'wiip wii nakaaz'ang miinwaa wii aas'gaab'wit'too'waad weweni wii gwaash'ki'ji taas'waat miinwaa wii nishing en'no'kii'waat. Maanda dgon wii dbish'koo'seg ezh'bii'gaadeg United Nations Declaration on the Rights of Indigenous Peoples
- Wii mnas'doong Kinadaa Biish Genwendgig ezhi zhiib'waa'sez'waat miinwaa aabdig weweni wii tkwet'mo'waat Kitchi Gimaa'naang.
- Wii aab'ji'taang wii dgon'ming miinwaa wii wiik'ji'toong esh'sing ji naas'ko'daad'gi'ba dbish'koo Department of Justice's *Principles respecting the Government of Canada's relationship with Indigenous peoples*. Miinwaa go *United Nations Declaration on the Rights of Indigenous Peoples Act*, ezh'bii'gaa'deg. Wii zhich'geng miinwaa wii dgon'ming ezhi gimaa'kaadeg miinwaa wii nsid'waab'daming we'weni ezh'gaab'wing miinwaa oo'we gaawii ezhgaab'wis'nok.
- Aabdig go wii na'kaa'zang ni'we biinji'ying zhiwe naap'kaa'wining wii minab'deg miinwaa wii dbish'koo'seg ezhi na'kiing

- Maam'gin'ming em'shkoo'waag dbizh'ge'win wii dbaam'da'ming waa ni zhich'geng, miinwaa wii temgag waa zhi ginoo'waab'da'ming:
  - Kojiing ezh'webag wii maa'nend'mang
  - Naas'ko'daad'win
  - Wii ginaaj'wi'toong
  - We'weni wii naawk'ni'geng

## Waa Zhi Dgosh'nang

Mii go oo'we ntam waa zhich'ged Kinadaa Biish Genwendgig ezhi gimaa'kaaz'waat aabdig wii temgag wii dbishkoo'sek en'nokiing miinwaa ezhi kshki'toong – nmiigwech'we'aa'naa kina en'tow'ne'aang, besha nbiing etemgag waan'ji nakii'yaang miinwaa go kina en'kii'taa'ge'jig miinwaa dash go aabdig enaawk'ni'gaaz'yaang. Mii'dash maanda dbish'koo'seg nga aab'ji'taa'mi go wiii mina na'kii'yaang, ezhi kend'maaw'zii'yaang miinwaa ezhi gi'noo'waab'da'maang gegoo. Maanda enaap'kaaz'yaang go nga aab'ji'taa'mi wii giik'na'maang dan'kiw'ni'naa wii dbish'koo'seg maanda pa'ne waa aandsem'gag

Kinadaa ga'ye doo daap'naan niwe naawk'ni'ge'aanhsan ezh'biigaa'deg zhiwe International Maritime Organization miinwaa International Association of Marine Aids zhi Navigation miinwaa Lighthouse Authorities. Kinadaa Biish Genwendgig go ga'ye diben'daawg'zi'wag niibina mzoo'we akiing debwe'taad'winan, enaawk'sij'gaa'deg miinwaa enapp'kaa'zang. Aanind awan'noon:

- United Nations Declaration zhi naakonigewin Anishinawbeg
- United Nations Convention onji naakonigewin zhi Kitchi-Gami
- International Protocol zhi Preparedness, Response miinwaa Cooperation zhi Pollution Incidents
- Niizhaaso conventions miinwaa naakonigewin gigoohnke dakoniweinini

Niibina bibon waa bi yaam'gag, Kinadaa Biish Genwendgig go da aabiji'taa'wag wii dgon'moo'waad ninda debwetaad'winan zhiwe da na'kiw'ni'waa.

## Daap'na'ming Zhich'ge'win

Baa'tii'nad ge zhich'geng ba wii wiiwk'ji'toong Kinadaa Biish Genwendgig Waa ni Zhichgeng kitchi gbeying wii mnaw'doong *Gimaa'kaan*. Ninda dash nii'gaan ge'zhich'geng'ba:

- Wiji na'kiim'dwaa Kitchi Gimaa'naan en'kii'twaa'jig weweni wii naawg'doong naawkini'ge'winan edbi'shkoosemgag Kinadaa Biish Genwendgig wii temgag waa zhi gi'noo'waab'dam'waat me'ne'aak kina go goji
- Zhi'biim'ing miinwaa di'baa'ta'ming gegoo mne'aag enji tkwazh'we'ning
- Tkweshk'ming en'nend'dawg'zii'ying wii nboch'aa'ying Anishinaabeg
- Wii temgag kitchi twaa tkweshk'daad'win miinwaa wii mnwaa'goom'dwaa En'tam'gaab'widjig,
- Kitchi Giiwe'di'nong enj'baa'jig miinwaa Aab'too'ziinh'yig
- Miig'weng nend'wen'daa'gog Kinadaa Biish Genwendgig nji oo'di Kitchi Gimaa'naang miinwaa Kinadaa bemaad'zidjig mziniganing nika'yaa miinwaa go aanind waa ginoo'waab'da'ming miinwaa waa na'kaa'zang
- Wiik'min'dwaa yaabi Kinadaa bemaad'zidjig noonch go ni'ke'yaa wii nda'bi'nind'waa mnji'menjigan'ing ge.
- Zhi'taang wii miigweng ge zhich'geng'ba gonda waa bi gimaaw'jig wii kend'moo'waat waa naawk'ni'ge'yaad maanda nji Kinadaa Biish Genwendgig ezh'gaab'wi'yaat dbaawk'ni'ge'wining miinwaa naag'denjige'wining

- Da'waab'nda'ming waa zhi dgon'ming Anishinaabe nendmo'win ndan'kiw'ni'naa miinwaa waa zhi zhich'gaadeg shka'iin nakii'winan
- Pa'ne go gna'waab'damaang miinwaa zhibii'maang ezh'bii'gaa'deg en'na'kii'yaang end'gwenh go ji dbishkoo'seg kina go goji nakiw'ning miinwaa en'naap'kaaz'yaang ezhi kitchi pii'tend'mo'waat
- Wijiw nakiim'dwaa endaap'kaaz'yaang miinwaa emshkoo'tko'kii'jig weweni wii miin'gwaa Kinadaa bemaadzid'jig maanda nji Kinadaa nbiing ezhi kshkitch'geng miinwaa nbiing kina goji nji
- Wii miig'weng wii maaj'taam'gag aach'kin'gan Zhi'bii'ge'win Da zhich'ge'win wii naadmaagemgag wii naawk'ni'geng gegoo miinwaa wiini aab'ji taam'gag waa'ni'zhi'we'bag

### Dibaaj'mowin Kwed'wew'win

- Tenoon na gegoo naap'kaaz'wi'nan Kinadaa Biish Genwendgig ge naad'maad'waa'pa?
- Aaniish Kinadaa Biish Genwendgig gezhi naad'maad'waa'pa wii nishi'too'waad nakii'win'nan?
- Gimaa'kaan naaniib'wich'gewin zhibiigade Kinadaa Biish Genwendgig ji miik'mo'waat waa ni zhich'geng kitchi gbe'ying. Yaabi na gegoo te zhich'ge'win ge gi'noo'waab'ji'gaa'deg'ba?

## Aan'ke Ga Gwed'wew'inan

### Dibaaj'mowin Kwed'we'win

- Wenesh ni'we shki maan'aanj'ge'winan Kinadaa Biish Genwendgig ge gi'noo'waab'dam'waa'pa maa'ge go yaa'bi waa bi yaam'gag maanda Waa ni Zhich Geng Kitchi Gbe'ying gaa psaa'm'ji'gaa'de'gwenh?
- Ge'yaabi na gegoo temgad ge ginoo'waab'ji gaa'deg ba Kinadaa Biish Genwendgig ge moo'zhend'mo'waa'pa gin'noo'waab'da'ming waa ni zhich'geng?

### Yaa'bi Aanind Ga Gwed'wew'winan nji Anishinaabeg

- Maanda Nboche'win mzinigan na we'weni wiind'maa'gem'gad Kinadaa Biish Genwendgig ezhi wiik'ji'too'waad naas'ko'daad'win?
- Aaniish gonaa gezhi wiidoo'kong'gid'waa Kitchi Giiwedionong Enj'baa'jig, Entam'gaab'widjig miinwaa Aab'too'ziinh'yig zhiwe enji naawk'ni'ge'yaang, enji na'kii'yaang miinwaa go na'kii'winan?